

**Informacija o prijemu stranih državljana Bosne i Hercegovine
u visokoškolske ustanove Ruske Federacije
u 2014./2015. školskoj godini**

Vlada Ruske Federacije u 2014./2015. školskoj godini dodjeljuje državljanima Bosne i Hercegovine **32** mjesta za studiranje na visokoškolskim ustanovama Ruske Federacije u okviru kvote uspostavljene Odlukom Vlade Ruske Federacije br. 891 od 8.oktobra 2013. g.

Ukupna količina stipendija uključuje:

- 15 stipendija za studiranje na stepen bakalavra, specijalista, magistra;
- 2 stipendije za postdiplomske studije (aspirantura, internatura, ordinatura, doktorantura);
- 15 stipendija za dodatno stručno obrazovanje (stažiranje, stručno usavršavanje).

Tabela raspodjele stipendija prema smjerovima se nalazi u prilogu.

Federalna agencija za poslove Zajednice Nezavisnih Država, sugrađana u inostranstvu i međunarodnu humanitarnu saradnju Ruske Federacije „Rossotrudničestvo“ (u daljem tekstu – Agencija) radi kao jedinstveni operater za odabir stranih kandidata za studiranje uz neposredno učešće predstavnika državnih obrazovnih institucija drugih zemalja i ostalih zainteresovanih organizacija.

Zbog toga da kompleti dokumenata zainteresovanih stranih kandidata (na papiru) moraju stići u sjedište Agencije „Rossotrudničestvo“ u Moskvi u rok do 15. aprila 2014. godine, molimo dostaviti ih u Ambasadu najkasnije **do 15. marta 2014. godine.**

Spisak potrebnih dokumenata, uslovi prijema i druga uputstva se nalaze na internet-portalima Ministarstva obrazovanja i nauke Ruske Federacije <http://минобрнауки.рф/> (informaciono pismo od 16. januara 2014.g., podjela «Документы»), „Rossotrudničestva“ (<http://rs.gov.ru/>), Federalne službe za nadzor u sferi obrazovanja i nauke Ruske Federacije „Rosobrnadzor“ (u vezi pitanja priznanja stranih dokumenata o obrazovanju - <http://obrnadzor.gov.ru/>), te

na internet stranici Ambasade Rusije u BiH (<http://sarajevo.mid.ru/>, na ruskom i jezicima BiH).

Prilikom popunjavanja upitnika obavezno je navesti šifru i naziv smjera, objavljenih na internet stranicama Ministarstva obrazovanja i nauke Rusije te Agencije „Rossotrudničestvo“ (jedan primjerak se nalazi u prilogu).

Istovremeno treba obratiti pažnju da strani student ima pravo izabrati od 2 do 6 visokoškolskih ustanova kao svoje buduće mjesto studiranja (ali ne više od 2 u svakom Federalnom okrugu te u Moskvi i Sankt Peterburgu).¹

U slučaju ako nijedan od univerziteta navedenih u upitniku nije zainteresovan za kandidata, konačnu odluku o prijemu kandidata donose Agencija „Rossotrudničestvo“ i Ministarstvo obrazovanja i nauke Ruske Federacije.

Kompleti stranih kandidata moraju sadržati **sljedeće dokumente:**

1. Popunjeni upitnik (anketa) sa naljepljenom fotografijom u boji. Osobe, koje ne znaju ruski jezik, mogu popunjiti upitnik na engleskom jeziku.
2. Kopije dokumenata o obrazovanju sa listom predmeta i dobijenim ocjenama. Kandidati, koji još nisu maturirali, podnose potvrdu od strane škole da su oni u završnoj godini te spisak ocjena iz krajnjeg polugodišta.
3. Kopija medicinske potvrde o odsustvu kontraindikacija za studiranje u Ruskoj Federaciji izdate od strane javne zdravstvene ustanove (t.j. ne privatne ordinacije, nego javnog doma zdravlja).
4. Kopija medicinske potvrde o odsustvu HIV/SIDA izdate od strane javne zdravstvene ustanove.
5. Skenirane kopije stranica pasoša sa ličnim podacima radi izrade studijske vize. Pri tome pasoš mora imati rok važenja najmanje 18 mjeseci od datuma početka važenja ulazne studijske vize.
6. Kopija izvoda iz matične knjige rođenih (ako je ima).
7. Kopije dokumenata (certifikata, diploma i t.d.), koji potvrđuju pobjede

¹ Teritorija Ruske Federacije je podjeljena na 8 federalnih okruga, koji nisu administrativne jedinice nego služe za lakše upravljanje federalne vlade (Centralni, centar – Moskva; Južni, Rostov-na-Donu; Sjevero-Zapadni, Sankt Peterburg; Dalekoistočni, Habarovsk; Sibirski, Novosibirsk; Uralski, Jekaterinburg; Privolški, Nižni Novgorod; Sjevero-Kavkaski, Pjatigorsk).

u međunarodnim i domaćim (gradskim, opštinskim i drugim) konkursima, olimpijadama i sličnim natjecanjima.

8. Kopije dokumenata, koji potvrđuju nivo sprema za studiranje u oblasti umjetnosti i kulture.

Napomena: kopije svih dokumenata moraju imati notarijalno ovjereni prevod na ruski jezik. Nepotpuni kompleti i dokumenti, koji nemaju notarijalno ovjereni prevod, neće biti razmotreni.

Državljeni Bosne i Hercegovine koji završavaju studiranje na ruskim visokoškolskim ustanovama u tekućoj godini i žele nastaviti studij na sljedećem nivou obrazovanja moraju biti uključeni u ukupnu kvotu za BiH.

U skladu sa Federalnim zakonom br. 273-FZ od 29. decembra 2012. g. „O obrazovanju u Ruskoj Federaciji“ stranci koji studiraju u Rusiji u okviru kvote obezbjeđene federalnim budžetom dobijaju državne stipendije (stipendija se isplaćuje tokom cjelokupnog perioda studiranja nezavisno od akademskog uspjeha) te smještaj u studentskom domu u skladu sa uslovima predviđenim za državljane Ruske Federacije koji studiraju prema federalnim stipendijama.

Strani državljani (stručnjaci sa stečenim visokim obrazovanjem) se primaju na stažiranje po programu dopunskog profesionalnog obrazovanja (stručnog usavršavanja) bez isplate državne stipendije ali sa pravom besplatnog smještaja u studentskom domu visokoškolske ustanove.

Za osobe koje ne znaju ruski jezik u neophodnom za razumjevanje nastave obimu organizuje se njegovo učenje na pripremnom fakultetu ili odjeljenju koji pruža potrebnu spremu za dalje studiranje na ruskom jeziku. Primpremni fakultet (odjeljenje) takođe obezbjeđuje državnu stipendiju (važeću tokom cjelokupnog studija nezavisno od akademskog uspjeha). Studiranje na pripremnom fakultetu (odjeljenju) traje godinu dana, koja se ne uračunava u rok školovanja po osnovnom studijskom programu.

Kandidati koji apliciraju za smjer „Umjetnost i kultura“ moraju takođe proći dodatne upisne ispite neposredno na fakultetu, za koji apliciraju. Student sam snosi odgovornost za dobijanje informacije od konkretne visokoškolske ustanove o

tačnom terminu dodatnih upisnih ispita, koji se definiše odlukom visokoškolske ustanove, prema postojećoj praksi, u roku od 1. juna do 1. avgusta. Više informacije o smjerovima koji zahtjevaju dodatne upisne ispite profesionalnog ili umjetničkog karaktera ima na sajtu Ministarstva obrazovanja i nauke (<http://минобрнауки.рф/>).

Osim toga, državne stipendije takođe obuhvataju posebne programe za pripremu nastavnog osoblja i stručnjaka više kategorije u oblasti umjetnosti – stažiranje tipa „asistentura“. Ovakvi programi su namjenjeni za najtalentovane predstavnike omladine, koji su već stekli visoko obrazovanje (stepen magistra ili specijalista). Studiranje prema ovim programima se organizuje u redovnoj formi.

Strani državljani sami snose troškove putovanja do mjesta studiranja.

Kandidat je obavezan sam naplatiti godišnji polis zdravstvenog osiguranja.

Konačna informacija o prijemu državljana Bosne i Hercegovine i uputstva u vezi dobijanja studijskih viza se očekuje najranije u julu 2014. godine.

- Prilozi:**
1. Tabela raspodjele stipendija za državljane BiH prema smjerovima;
 2. Upitnik (anketa) kandidata (na ruskom jeziku);
 3. Spisak studijskih programa na stepen bakalavra, specijalista, magistra (na ruskom jeziku);
 4. Spisak studijskih programa za postdiplomce (na ruskom jeziku);
 5. Spisak studijskih programa za medicinsku ordinaturu (na ruskom jeziku);
 6. Spisak programa za stručno usavršavanje naučno-nastavnih kadrova (na ruskom jeziku).